

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Žnjenc 2022
27. lětnik, 267. wudaće

Na slědach Zejlerja a Kocora

Dnja 28.04. dojdźechmy sej do Wojerec, hdžež wotmě so projekt Zejlerja a Kocora. Na projekće su so mjez druhim tež šulerki a šulerjo Worklečanskeje a Radworskeje wyšeje šule wobdźělili. Za nas wuknjacych běchu



tam štyri stacije spřihotowane, při kotrychž bě móžno so z wšelakimi nadawkami sam wuspytać. Při přenjeje staciji mějachmy nadawk, butru džětać, kotruž smědžachmy z čerstwym chłěbom a tróšku selu woptać. Móžnosć za intensiwnu wuměnu prašenjow k

Zejlerjeje a Kocoreje skićeše stacija dwaj. So na instrumentach wuspytać běše móžne při třećeje staciji. Při poslednjeje staciji nazwučowachmy mału dźiwadłowu hru, kotruž sej tež mjez sobu předstajichmy. Po dźěle při stacijach dachmy sej dobre picy zestodźeć. Mějachmy dožiwjenjowpoňny dzeń a zhonichmy mnoho zajimawych informacijow wo Zejlerju a Kocorju.

Wutrobny dźak zamołwitym wučerkam a wučerjam.

- tekst: Jan Laurin Suchy, wobrazy: Julija Serbinec -



Nowačk na druhim městnje zakónčił

Wolejbulowe mustwo Serbskeje šulow Ralbicy a Worklecy je sej na kónčnym 3. hrajnym dnju wučerskeje wolejbuloweje

ligi 2. městno w tabulce zawěsćilo. W ćłozwučowni Serbskeho šulskeho a zetkawanskeho centruma Budyšin stejestej za pedagogow dvě hrě na hrajnym planje. W přenjeji partiji wječora rěkaše přećiwnik wyša šula Wjazońca. Přenjeju sadźbu hrajachu serbske wučerki a serbscy wučerjo suwerenje a dobychu ju



jasnje z 25:14. W druhej sadźbje pak so šěstka z Wjazońcy zhraba. Tak podležachu Ralbicy/Worklecy 25:22. Nětko dyrbyješe tiebreak rozsudzić, do kotrehož serbske mustwo synje startowa. Při stawje 8:4 mjenještej mustwje stronje. Ralbičenjo/Worklečenjo hrajachu koncentrowani dale a suwerenje dypkowachu, tak zo móžeše serbska šěstka na kóncu z 15:6 tiebreak za sebje rozsudzić. Wobě mustwje džakowaštej so na kóncu sudniskemu teamej Serbskeho gymnazija Budyšin. W druhej hrě stejestej sej mustwje Ralbicy/Worklecy a Serbskeho gymnazija Budyšin (SGB) napřećo. W serbskim duelu startowaše mustwo Serbskeju šulow Ralbicy/Worklecy synišo do přenjeje sadźby a wosta koncentrowane při wěcy. Přenjeju sadźbu rozsudźichu Ralbičenjo/Worklečenjo jasnje z 25:13 za sebje. Połnje motiwacije startowachu tuž do druheje sadźby a šěstka Ralbicy/Worklecy doby suwerenje z 25:12.

- tekst a wobrazaj: Jan Rjeda -

Sportowy dzeń

Dnja 13.06.2022 wotmě so sportowy dzeń Ralbičan wyšeje šule, na kotrymž pytaše so najwuspěšniša rjadownja. Dzeń startowaše so z nastupom na dworje, hdžež so nam dokładny wotběh dnja rozkładže. Šulerki a šulerjo wot 5. do 9. lětnika sportowachu na šulskej ležownosći kaž tež kołowokoło



Ralbic. 10. lětnik kóždú staciju pilnje podpěra. Kóžda rjadownja dósta plan a wotpowědne časy k orientaciji najwšelakorišich stacijow. Z pomocu tutoho měješe sej kóžda rjadownja, kotraž bu přewodźowana wot wučerkow a wučerjow, k jednotliwym stacijam doběžeć. Dohromady čakachu dźesać stacijow na sportowcow. Stacije wobsahowachu orientaciski běh, zadźěwkowy běh, skok z powjazom kaž Tarcan, dalokoskok do pěskoweje jamy, mjetanje měškow do rynkow, taženje přez rěbl, stafłowy běh, bulikimjetanje, wysokoskok a kwis. W dwanaće hodzin zetkachmy so wšitcy zaso na dworje, hdžež mjez sobu džen wuhódnoćichmy. Tam dachmy sej tež hišće stódný lód zestódžeć. Sportowy swjedžen běše lóštny, wotměnjaty a zajimawy. Džakujemy so šulerkam a šulerjam dźesateho lětnika kaž tež sportowymaj wučerjomaj za wobšěrnú organizaciju tutoho dnja.

- tekst: Louisa Domanic, Hana Eiseltc a Clara Matkec -

Stawizny informatiki a matematiku dožiwjejo wobjednali

7. lětnik Serbskeje wyšeje šule je sej wutoru (05.07.2022) z wučerku Gabrielu Cyžowej a wučerjomaj Křesćanom Zahrodnikom a Janom Rjedu do Techniskich zběrkow do Drježdźan dojeť. W tamnišej wustajeńcy ličenskeje techniki přednošowachu šulerki a šulerjo w serbskej rěči wo stawizniskich temach informatiki, na př. firmow Apple, Microsoft, Nintendo, Robotron a IBM kaž tež wo Konradže Zusym. Přednoški běchu wuknjacy w předpolu w šuli spřihotowali. Dale zaběrachu so na wšelakich stacijach z wotměnjacymi metodami a eksperimentami, z fyziskimi a matematiskimi prawidłami a wosebitosćemi. Po wopyće muzeja



smědźachu šulerki a šulerjo po měsće dundać, prjed hač so pońje začišćow zaso z ćahom do Łužicy nawróćichu.

- tekst a foto:
Jan Rjeda -